

童山詩集

童山詩集卷二十一

綿州李調元雨村

戊戌

九曜石歌

與石何者爲第一
署中九曜最奇逸
我初聞之金宮瑞

前任學士金穆清曾爲余言九曜石之奇
翹首仙湖疑未必
茲來適作藥洲

王眼中突兀驚嶠岸
一石高聳蒼然彪
一石廉稜性剛

率一石磊落抵觸藩
忽起如遇初平叱
一石歲魁牛礪

角昂首不受丙吉詰
一石玲瓏如空櫺
四面煙霞爲梳

櫛一石仙掌纏榕根
水底黑蛟蟠鬱律
其中一石更玲

塼乃合三石成膠漆蛩蛩相負鵲蚌持中峰獨帶龍鳳
質衆密合抱如拱辰爲君左右襄良弼其餘堀畧俱屹
然亦似羣工護嚴蹕初疑二華眼中來復訝三峩脚下
出玻瓈忽墜九天雲照耀長綫萬古日鶴立相望池東
西狼藉憑誰序甲乙當年南漢竊一隅蜃化爲王虐無
匹太湖靈壁從何來臯人安有縮地術九曜之名豈非
僭日月五星位本七得毋自比九五尊欲使天下定於
一珠宮已付水東流巋然獨不遭蕩溺風飄雨溜近千
年後人空賞瓊塼筆米顛墨寶鼎淪散同掌跡石有米
元章詩今半陷
池中梧楸蔽之不可等矣其米題藥洲一石今在藩臺
署情無好事者從無
學署余故有米米齋之額云暮

揭諸刻尚盈帙我生嗜古如嗜茹金石摩挲癖成疾此
石一旦落吾手日遶百匝意未畢茂林曾憶觴可流龍
竹雅稱琴橫膝惟當端其袍笏拜無爲州解許同秋自
笑年來苦學暗對石無言石應唾聊代今年試筆詩正
月元旦歲戊戌

題惠州太守吳澹圃

吳

秋山詩思圖二首

濺濺寒林響筑琴石門流水有遺音君家太守真堪繼
總使夷齊共此心

謝公秋興未容攀雲雨蒼生在此間却笑題詩老春圃

那能便問九華山

前粵西學使王春甫題此圖有九華何日共躋攀之句故云

題吳澹圃啖荔小照二首

丞相祠堂大樹旁
風流太守酌天漿
問君爛紫尚紅日
可也分甘到黑郎

南來萬里有良圖
五月冰盤飽赤珠
今日朶頰真一笑
展縮先見絳羅襦

肇慶校射久雨妨騎戲作四首分簡永東峰興高
要令楊蘭坡陽春令袁春勛高明令高齊

寄言天驥漫呈才
十日陰雲黥不開
多愧元戎煩小隊
輕裘緩帶雨中來

誰似端州大尹賢
每因得雨轉欣然
昨朝對客盧胡笑

新出灘江縮頂鱗

有脚陽春到此間
文壇坐鎮屹如山
夜來亟報有公事
春舫新藏小阿蠻

何人中鵠遠聞聲
誰謂天無一日晴
幸免擲掄鬼換服
高明端的是高明

雨中校射示諸生

天公未許驟掄才
匝月陰雲黯不開
爲趁小晴巡郭外
乍逢猛雨截江來
惜泥驕馬跑空立
腰箭羣英擁隊迴
畢竟爲霖誰勿負
龍門爭看一聲雷

遊七星巖

來從九曜石初上七星巖斗柄忍在手長饒不可芟山
顛呈肺腑石乳滴巖嵌醉飽叨賢宰吾儕亦太饒是月
袁陽春作主人令從遊者皆
循及盤殮盡歡而歸故云

題袁春舫勸農圖

我友袁春舫論才真十倍六年令巖南驥足展猶待昨
朝駐端溪喜見顏不改聖朝求俊彥相佐需繁衆鎮
靜坐文場萬人仰丰采使我目不迷皆借君光彩却怪
小春州羣英盛元愷地豈能星聚教養有人在今觀勸
農圖乃知賴賢宰減從駕平疇農功課勤怠秀者列其
旁氣象何磊磊坐令絃誦聲如舞老萊綵他時過此邦

滿縣花當採君如效拔薤爲我護蘭茝

題楊蘭坡板輿奉母圖

融和天氣雜花明初御輕軒恰午晴四野絃歌人訟少
平郊奉母看春耕

嶺南第一數循良早識封魚母澤長小立摘花誰可似
人傳潘令在河陽

欲知寸草報三春捧檄當年總爲親讀畫見君純孝意
就中傳出色難神

永定河邊世閥深分明父行倍相欽交情恰似周公瑾
不飲醇醪也醉心

我亦高堂有樹萱
邇來思緒比雲箋
因君蜀道身思奮
欲向前途自御轅

七月廿六日羅定試院見菊花二盆幽香可愛贈

州牧宋鏡齋

豐統

有菊卽重陽
吾聞子瞻詩不到嶺以南
謂是欺人耳
今駐羅陽城廨舍
何精美
忽於七月中見菊
諦驚視佳色
比佳人百花俱可鄙
何須晚節香
初節已如是人常早
芙蓉我當晚桃李

羅陽試院久雨

我非百里嵩
頗有隨車雨
兩月端州城
日見商羊舞

蕭濕案牘蠹蟲進廳戶坐令騎射妨仰天共嗟語今來
瀧水頭晴天已可觀豈知入鎖院復見潤在礎點滴報
芭蕉琳瑯擺庭樹首夏竟如秋添衣欲加絮翻疑有漏
天萬山深獨聚爲憐白袍人立與秦優伍經田爾雖奮
不敵耕鋤苦諸生一笑前請學老農圃

舟泊練潭

水複山窮處人家聚練潭木棉多傍嶺金橘半垂庵昔
者觀風過嘗疑秀氣含今朝停舫問一笑慰前談此處
諸生
新進
五人

頂湖山

山頂安得湖聽說先搖首艤舟上岸行清溪逐人走溪
迴山來迎湖光已照手溪邊龍目樹易生如楊柳結子
尚垂青雖饒不可口及至登頂湖全湖忽消愛上可接
九天下可灌千畝初疑釋迦鉢盛來風雨吼又疑玉女
盆墮在烟霞藪彷彿見鵲橋愴恍犯牛斗與言無二三
誰能吞八九井乳竟可瓢似此寧論龔老僧喜我來引
導入雲阜爲指慶雲寺金字頗鼎醜未成一家仁難定
三不朽何如頂湖清堪陪坐至酉

龍潭

偕諸生作

竟是九天雨何曾一日晴澄潭龍氣色瀟石電風聲聞

道時當早常於此潔誠諸生清興發落筆鬼神爭

頂湖示諸生二首

呶語鐘聲響入雲林端泉有萬重聞我來忘却山行遠
要趁山深好論文

我本岷山一腐寒讀書酷愛品行端荆公文章蔡京帖
高閣從來未一看

重遊峽山寺贈禪樂長老四首

捨舟尋峽寺十里至山根人關一灘口天高百粵門橫
風吹瀑散細雨撲林昏假寐投禪榻春濤午枕喧

自笑遊成癖洵于山有緣一年雨過峽三載半行船攀

果猿窺客聞鐘虎聽禪老僧頭漸白相對話流年
不惜足成繭爲撫眼底奇烟蘿袁氏洞雲失大蘇詩泉
白巖中練苔青殿後池此遊真愜意風阻得閒時
見說峽中景全收直指堂樓延山色入座納水聲長樵
擔林中影漁燈樹鏘光今宵渾不寐雲卧濕衣裳

峽山寺與禪樂夜話

禪堂燈一盞萬慮此俱空念佛蛇吟洞驚入虎卧叢
聞之禪樂長老灘聲長似雨山響不因風悟得明心處前潭月
在中

夜泊觀音巖

一嶂高撐半壁天到來剛及晚燈前長風送月林梢挂
暗浪搖星嶺上懸深洞龍驚僧擊鉢隔江大呌買移船
平生不信玳瑁吉來去征帆任自然

童格周曾言
觀音箴至靈

風阻龍頭影野步江潯見團煤爲餅者云燒石糞
田其古人火種之一端乎詩以記之

非銅非礪非硨磲石炭焚空何森森萬夫斲山龍脉塤
坐令后媼無完宅團團化餅嚼不得黑石燒爲蔚藍色
云以畚田助農力以陽補陰理或直所惜龍身碎鱗甲
邇來旱魃甘霖乏甕鞭蠲蜥同一法故與割耳相欺狎
斧聲雷礪崩聲若筋脊已斷應悔惜胡爲逆風吹灑灑

不惡農人惡行客

湓江二首

風破竹篙聲未休
舟人拿楫立船頭
何處伊鷓來米船
爲言昨日發雄州

冷落誰家船閣灘
挽牽人水萬牛難
記得二日前三日
峽山百尺起江湍

白行二首

漫山野芋葉如扇
臨水村榕陰似棚
著箇短篙當橋過
偶拈枯竹作藤行

鰲雁乍驚蛇虺走
衝人忽起鷓鴣飛
遠遠烟中聞續叱

時時雲表見僧歸

鷓鴣

粵山來往熟初聽鷓鴣啼炎嶺深榕外連州苦竹西飛
低烟冪冪聲斷雨淒淒正是頭堪白家書隔越嶺

和蘭谷端陽前一日舟中韻時家慈將底粵

濁浪浮天混混東開懷仙侶一舟同驚看鼉窟山邊黑
喜見龍舟水次紅拜母卻思離膝日留賓翻喜打頭
風枕樓少婦渾無耐也續紅絲敲襖中

端午英德舟中作

一年多在路五月是他鄉榴近西村岼簷遙北背堂大

江收暑氣小艇作端陽記得鬢齡日香盈繫臂囊五日俗

競帶香囊

五月二十一日南雄驟雨江漲水及試院堂堦是夜移於道南書院得詩二首示諸生

晚來堂下水平堦第二門中進木簾五馬只愁侵使節
雙鳧先已護彭排再來應嘆傷新屋不去真成畫舫齋
燈火泥濘人共笑此翁也解著棕鞋
江翻暴漲到城隈鎖院深嚴水竟來天捲魚蝦簷外落
人驚蛟蜃室中迴溝盈暫集崇朝雨屋塌遙聞幾處雷
避漏移牀渾不惜最關心是碍掄才

雨中觀道南書院池蓮得十字

我來量材保始邑得五未能全拔十野漲漫山雜雨來
令我不及謀簑笠遷居道南夜已半昏黑不辨門徑入
曉來雨霽竹光清始見軒窓臨池葦池中亭亭白蓮花
風搖翠柄如相揖仙子凌波踏明鏡淡粧一洗鉛華襲
欲語不語真有情綠雲擁扇相環立乃知人世皆泥塗
獨有荷葉終不濕書齋靜坐日無事惟與諸生相講習
拈花佛豈步以趨愛蓮周可學而及不怪諸生柳下行
所期他年衣染汁

登芙蓉山得氣字

酷有遊山癖每爲簡書畏今朝公事畢雅願始得慰
芙蓉山不高草太頗蒼蔚不用杖策登已入雲靄飄松風
雜江濤人語亂蜩沸竹簟尋細泉僧房吃佳卉屣前鷗
鵠聲衣上烟霞氣童冠半吾徒脫略無忌諱歡談兼坐
卧殊有偕桀味山靈喜詩人樵子厭朝貴誰能出新句
一洗俗胸胃

遊英德南山

英石傳天下南山見未曾連江雲一片插浪雪千層地
以襄陽勝名因玉局稱何方剗苔蘚踏遍萬峻嶒

遊碧落洞

示門生黃國才及何李二生

清風兩腋生送我入山腹見蕩垂雲崩銀潢就中出古
洞何年開破壁自成屋啾啾巢巖禽撲撲遶枝蝠沉潭
蛸蛸家異石虎豹族翻令白晝寒忘却六月伏從遊得
萬子指點豁吾目旁有二生隨隅坐如在塾絕境少人
到得來豈非福詩成問山靈何如蘇玉局

初入連州江口二首

三過潯陽峽連州路乍經江如春草綠山雜夏雲青水
雀翻翻見山猿處處聽此方饒瘴氣隨意酌餘醺
但逐風帆去東西未易分山深時有雨樹矮不多雲石
走崖邊鹿雷來水面蠓今晨得佳致茉莉放微薰

錦梁灘

萬石疊成梁千夫挽一航雲霞蒸水氣雪雹闊波光石
柱多穿腹鋒鏖摠割腸四圍藤蔓合不覺霧蒼蒼

過龍宮灘川昌黎祠

萬派沸如湯風帆向北揚不知三伏熱但覺一灘霜毒
鳥衝船過山猶蔭樹凉水東饒竹篠未免觸思鄉

溫泉灘

我來瘴江濱火雲方鬱攸溽暑蒸行客日懷重脰愁不
謂連江險亦有溫泉流停舸笑謂兒宿疾茲可瘳解衣
洗積垢頓覺神脉周初疑木焚槐又若毘藏琉火布如

可浣斧薪似未抽雖有氣霧侵不復成瘡疣乃知造化
巧解毒方先留大勝驪山泉徒蒙華清羞

楞伽峽

看山判連州山色愈奇幻平生所未經盡入眼中見
峻聳一峯中忽劈兩片鑿空地鼓竅通仄天通線巖有
下垂雲泉無不拖練如入金色界七寶莊佛殿又如銀
粧成九光紛交倩篆文螭蚪盤石勢殺辦變俗名陰洞
結鐘乳陽巖披竹箭烟霞供濡墨草木借染茜欲上嗟
力疲不仆訝頭顛混混南交撐茫茫大莽薦云昔有仙
人仰睡不轉面又聞姓丁者蛇咬手欲戰漁網雖彷彿

鷹桃俱鄙諺獨有半霄中觀音若倒纏手散無量花纓
絡落如霞錯雜多羅樹相約貝葉爛遂言西方事儻恍
令人眩不如欹枕觀勝讀書萬卷山奇句不奇驚人讓
雷電

連州牧張玉峰

利仁

邀遊燕喜亭得序字

并序

燕喜亭者唐貞觀元年昌黎韓公貶山陽令時
爲太原王宏中題其所居之名也記云王宏中
在連州與學佛人景常元慧游於其居之後邱
荒之間上高而望得異處焉斬茅而嘉樹列發
石而清泉激輦糞壤燔楸櫟却立而視之出者

霑足十二日同遊燕喜亭午忽驟雨如注避於北

山寺喜而有作因簡玉峰

連日垂龍懶且頑今朝雷捕破天慳且教湧湍傾盆瀉
未碍同看雨裏山

舟次陽山聞史靜軒明府有遷臺灣司馬之信留
詩作別

山水縣中山水宰七年讀遍退之詩不因斗米求人薦

翻爲輪儲受

上知

君代佐吏運解出吏部記名故云

好信傳來先噪

鵲行旌停處當歌驪只虞松桂韓臺畔又有生祠繫後
思

謁南海廟登浴日亭用東坡韻二首

一卷亭障海南天望見神祠又一灣久不揚波諸國水

獨能降雨四圍山廟東漢鼓聲過宋

左有銅鼓一云漢馬援所遺石一差

小相傳宋時所配聲板略

堵下韓碑筆似顏最惜此來非二月木棉

紅燭亂雲間

危磴如梯直到天陰森樹影落亭間未能攜酒啣嵇阮

偶爾談詩亦孔顏

是日諸生送文求質皆令和詩

身坐蘇髯曾到處目

窮番舶所來山斜陽欲下鐘聲動尚有人喧水一灣

舟中別黃

川書

湛

祖貴

劉

輔元

庾

泰均

黎

簡

諸生

港卧舟中百事慵起來已及日高春五生相對論文久

不覺風帆過石龍

秀氣獨於君輩聚文風敢謂我能開羅浮山下頻回首
猶見虹光貫日迴

喜晴

潮州校場作

曉出城樓鼓尚聞平郊萬馬早嘶羣天晴幻出蛟蜃氣
人暖蒸爲虎豹文近海潮聲渾未辨遠山樹色已全分
欲窮千里飛鴻目不許浮空點片雲

題潮州太守方蓮浦納涼圖

雙樹橋邊荷一池文章太守識昌黎石欄點筆題詩坐
一片斜陽畫舫西

言集卷二十一
便安四壁不遮山新築書齋擁岫鬟爲道牆陰有佳致
數竿修竹莫教刪

蓮浦招遊潮州西湖

濃雲古洞小雲屏置酒同登觀稼亭可惜湘靈無瑟鼓
空餘海上數峰青

率諸生謁韓文公祠

先生教澤至今聞濟濟英才盡不羣官吏尚攜鸚鵡字
兒童能誦鯉魚文天留砥柱山長仰地歷迴瀾水欲分
吏部遺風誰似續還看滿壁走烟雲

長樂明府丁豐山招遊梅軒

衡齋深處卽梅軒竹石杈枒小有園花爲官閑爭入戶

榕知客至自開門

軒有古榕其根橫走年深爲門

明朝秦嶺煩輿騎此

日清溪作酒樽歸去不知天色暮舟中猶認在城垣

由清溪過秦嶺和孫肖崖韻

曉色行旌動回程乍舍舟清溪猶抱嶺綠樹半遮樓野
客看紅葉山僧笑白頭紛紛俱過眼又見晚烟稠

秦嶺道中

一水纔過一嶺橫驚與微度曉風輕欲知嶺外天常暖
臘月行人盡裸裎

斷草烏吟

并序

斷草烏蛇名大僅指許長五寸頭如龍而小身
純烏共行百草沾之立斷人見斷草輒跡得之
故蛇每離地丈許使身如矢直不沾草以入穴
故人莫得而取之蓋草蟲之有靈性者粵中多
有之

人以直如弦死道邊汝以直如矢免於死嗟嗟可以人
而不如乎君不見斷草烏

重山詩集卷二十二

綿州李謝元雨村

巳亥

遊惠州棲禪寺

并序

正月初六日惠州試畢率諸生葉芳陳應元楊
炳奎廖飛彰偕遊分韻得雲字

春光滄蕩水清芬蘇老風流孰與羣依舊新蔬知太守
誰言種樹少叅軍木棉映日翻紅錦芳草迎風如綠裙
漫向六如亭上望朝雲偈語不堪聞

登白鶴峯

言身
二二
泗潭倚岸抱城切白鶴遺居碧蘿交此地空襟百尺井
當年尚憶九重巢山如蜀道真堪寄湖似杭州未忍拋
不是行旌催太速黑雲飛雨遍江郊

陽春舟中望崆峒巖

曉至陽春縣卧看山過牖起來問崆峒乃知近可肘奇
醉舞天虛洞府穿地厚峭非人工削破是神斧剖瘦疑
古藤纏膚無寸土受鎮壓梅嶺南雄踞羅浮右舟中二
三子謁我塵初抖喜其皆遠來頗以慰老朽俾與細論
詩敢謂循循誘惆悵不得登造酌一杯酒

山行四絕句

乍聞橘蕊香已入空山裏一樹白如雪繁星落江水
古歲纏破屋佛像半莓苔野寺無人到山猿偶一來
崦外有人家犬吠聲如豹不敢出簷門隔籬窺客到
老農六十餘手倚樹爲杖自言筋力強一日山十上

伯陽江縣太平館中作館舊爲書院

解衣暫抖馬蹄塵乍見蕉窓一色新日上扶桑方吐艷
雨餘勒竹已成筠久聞海近無貧戶却喜山深有秀民
休再寓人致薪毀殷勤爲勸後來人

題熱水池和高廉觀察奇麗川

豐額

題壁元韻二

首一五律一七律

粵東原熱地更以熱名池濯去陰陽混探來善惡知二
巾疑火浣一屋似烟炊惟有熱腸客偏留執熱詩

鷄舌同含憶舊香天南復共瘴炎方平生原不因人熱
此水偏如對我涼蕭寺來時鴉滿樹小亭立處月依裳
知君浴罷方歸詠孺子羣歌濯足浪

題高廉觀察奇麗川小照二首

奇士多奇想胷中別有天仁風披一卷明月印千川竹
葉千杯少楊枝百步穿晚來窓下坐猶誦小倉編好詩
文章春榜首政事白雲司人到蠻烟靖天看瘴霧披愛
民今朱璟佐治古辛毘展畫如相晤誰言室遠而道署與試

院通近時麗
川在省故云

題茂名閣蘆溪課子圖二首

雙梧百尺碧森森中有書聲似鼓琴想見一經親課子
滿籬不肯羨黃金

雙雙合壁氣如虹珠樹誰言未許同昨日又傳湯餅會
添丁真不愧盧仝

由化州至石城道中作二首

山光染出翠陰稠處處秧針繡綠疇誰向桃花林下住
一溪春草飯耕牛

枝間臙腫波羅蜜盆裏杈枒鐵海棠獨坐無人山鳥散

蟬聲隔樹噪斜陽

由龍灣至清坪作

日漸炎雲逼天兼瘴霧拖山荒春樹少海近大風多看
竹皆吹籜聽禽半插禾籃輿一睡足已失醉顏酡

廉甯道中望海

地勢遙環島天痕俯接瀾颶吹山欲倒海煮水疑乾易林
海老
乾似鵲身將退如鵬翼竟搏瓊州何處是雲霧總瀰漫

橫山

路轉橫山又一村清溪曲曲抱柴門烟開柳港添新綠
雨滿秧田失舊痕人立樹陰看犢卧天穿葉隙見鴉翻

豐年光景深堪慰更得書聲出短垣

一四月初九日渡海

地盡天南一海橫茫茫四望水雲生雨來先見龍珠走
風過還聞颶母行萬國朝宗番舶至百靈護衛使舟平
要知鐵網扶桑處定有珊瑚樹早成

瓊山試畢示李琦符家麟二生

海南得二士李琦符家麟麟貌如玉樹語微雜澆淳靖
面如顰麋吐屬皆蘭芬我持白玉尺觀風駟海濱波濤
盪日月奇氣吞鼉鯨火樹然珊瑚珠璣生蛟蜃固宜有
頑彥以充鐵網珍聖朝鴻造士雨露遐邇均得此喜

不寐渾忘航海辛其餘非無採葑非難概論薰陸與旃
檀何足挂齒啓嘉木在培養培養木乃春苒寶在拂拭
拂拭光益新還當策二子名者實之賓

謁洞酌泉蘇文忠公祠與諸生分韻得發字

誰謂雙泉甘論自蘇公發味泉兼濟詩萬古兩清深我
忝蜀後進奉使遍百粵於惠復於瓊遺踪幸未歿每到
輒題詩餘風肯令歇譬如事先生步趨戒勿越倘隨六
君子未知指可屈今晨出瓊東石像領生謁烹茶更分
韻不成例當罰惜未祀陸公亭名所山名

片石太守承議郎陸
公東亭名與詩以六

將至遂溪十里山有小菴偶憩見壁上有任兆覽

詩二首頗佳因和其韻

山路鐵雙峽禪房瓦兩層熱同蒸甌客喜遇放刀僧

警卒

出僧

出家已覺心無暑何須手握冰寥寥不數語又可續傳

燈

何期小嶺上轉有大溪聲菴毀還題字山低不問名烹

茶聽蟹眼行李候雞鳴安得同鄉令同來話夙因龍華

題石城明府喻黎川

寶忠

同年雨賜亭

我昔過此亭空梁欲吹倒今復過此亭畫棟都完好賢
侯愛民如嬰雛得雨甚於玉與珠不信試看絲雲匝四

重山言集卷二十一
郊鋪出豐年圖我與賢侯文章友吏治能追玉局叟喜
雨亭繼雨賜亭雨俱不愧民父母池塘如鏡寫魚鱗幾
回秋去幾回春獨有此亭能萬古青山閱盡往來人

高廉觀察奇麗川署中招飲席上有贈

深山那復有鶯聲乍見依人小鳥靈楊柳作腰偏裊裊
芙蓉如面竟亭亭身輕爲有風前舞韻細還宜月下聽
覆額粧殘螺黛盡遠山猶剩一痕青

懷奇麗川

疊額

題熱水池壁間欲麗川來此兒也

一掬溫泉又拄筇溪雲疊疊寺門封萬山只隔高廉路
回首斜陽樹萬重

腰折一壺渾不俗身輕三沐漸無災題詩寄與賢觀察
羸得平身受拜回
予別羅川時適病不能答拜故云

題幢石巖

幢石何巉絕攀躋特一來山從平地起洞向半天開佛
座烟霞護仙鬟霧雨羅何人吹鐵篴直上唱歌臺
成仙於此旁有唱歌臺

新渠道中見陳生潞來謁

山重溪複入雲深疊登風帆出樹林驟雨欲來平野黑
斜陽欲下半山陰羊城乍隔思親目鳥道高懸憶子心
正是捲簾孤寂坐盈盈一水見青衿

題海珠菴

臨流欲賦詩偶向盤石坐難急萬魚橫溪深一鳥過清
陰不知寒綠淨亦可唾忽驚鏡面中照見我一箇

任
八月初一日送臬司梁心石教書赴湖北藩司之

九重初錫楚藩宣百越風高擁畫船魚鱗久肩籌餉重
熊羆新見事專權風清月朗懷中聖粵臬署與學署比隣昔約糟頭過酒

漢廣江深見政賢黃鶴樓前倘相憶一輪皓魄共心圓

和提戎章書亭紳見贈青田石元韻

羨君鬢鑠髮如鶴凜凜霜鬢秋不落羨君勲業同樓船

浩浩氣魄高凌烟昨於羊城親丰標光風霽月浮雲消
堪來鵝城相促膝酒闌燈炮語未歇四壁圖書何爛斑
觸手琳琅皆青田知君虎帳兼文事不特龍韜空武備
從來臣味皆皮毛誰肯豁露胷中豪要知報國凌雲
氣十年洋海靜無事捲君青田珍行囊何時追琢逢元
章

和觀察陳組齋

繩祖

獨遊白雲蒲澗寺至廉泉寺

觀梅原韻

鎖院深嚴長閉門天寒濁酒聊相溫邇來對花忽不悵
看山竟欲隨山猿蒲澗之寺在咫尺望中似有林鴉翻

二牟不至真自俗豈果高擁居輪軒昨者小輿纔命駕
蠻語參軍來相援爲指犖确折屐齒又言山荒似太始
無邊清興爲索然但見烟霞亘蒼紫我聞寺爲仙人宅
頗有竒藥名不死秦皇學仙固可笑赤松弗遊亦堪恥
不採菖蒲花九節十年槁木何由起若有美人林下來
未得溯洄隔秋水豈意耳畔聞濺濺乃是詩人思湧泉
三日不見陳驚坐便有秋江筆底懸爲言寺在白雲邊
磬聲延客清且圓紅蕉青荔映蒼外窓中時有僧談禪
更爲抵掌說竒事晴天亂雪鋪茵蘊穿林一片黃昏日
暗香時向衣袂傳鄧尉梅花三十里相較何曾值一錢

我聞梅開子之半何以仲冬如殘年葭灰未飛春已動
得并嶺外陽多愆前身林逋卽君是定有白鶴招山巔
月下美人夙緣在供君寵玩如爭妍不然何以獨身往
絕少俗華來相纏羅浮尚自付夢寐人境不到安論仙
五羊城中十日雨海底蛟龍朝水府舟行江上易爲詩
和成倚枕萬三鼓君不見東坡夜讀阿房賦老兵敢言
不敢怒

東安王明府送石屏四座二首

蒲帆一路看青山半爲烟霞薄薄瞞却得東安賢太守
分來四片好峯巒

誅求到石未爲廉多謝神君送兩擔試問虬髯無恙否

點頭頑石亦掀髯

石作虬髯狀正君多髯故云

舟發珠江將試韶州和陳絙齋

紹興送別韻

扁舟南海發一片水天明屢警鯨鱓色長思鷺鷥情三
杯燒短燭五字見長城若論誰詩伯輪君最有聲

雨過峽山寺二首

輕舟入中宿勝境一何清溪樹風多響山花夜自明廟
荒饑虎下灘急牯牛橫遙憶松門老高吟和鐸聲
春事今年早山山發嫩黃氣蒸榕葉換風暖蘋蘩撥
刺魚跳急鈎輅鳥語忙炎州真異俗一雨便添裳

自雄至韶追送觀察李隨軒足揚入觀

百里風帆似有神
平明已至曲江津
行裝載道猶遲我
餞館臨江已簇人
二月春波扶桂櫂
五年溫語對楓宸
旗亭不是多情悵
百粵惟君誼最親

吳澹圃

煥

太守新建白鶴峯新亭是日方試府學

諸生童咸在遂命以東坡移居詩起句林行婆家
初閉戶分韻爲詩擬作婆字韻一首

令威化鶴竟如何
蘇老風流迴不磨
朱閣喜看連堞起
青山依舊隔江多
雨風似認朝雲偈
富貴真同春夢婆
拔薤從來賢守政
循聲先聽泮林歌

通衢

在龍川縣南五十里

數家烟火小橋西
穠穠平疇翠剡齊
雨後菜花蝴蝶鬧
夕陽村落鷓鴣啼
二三健婦頭蒙帕
八十衰翁手拄藜
却憶一封朝奏客
如何不共樂昌題

惠州新試院落成兼賀澹圃

凌雲棘署絕囂塵
畫檻朱欄結構新
月桂定多攀折客
風簷俱是過來人
三年矢志金沙揀
十日華居酒盞頻
聞道蘇公遺教在
西湖定少暴腮鱗

出棲禪寺至白鶴峯望江上諸山

青山無數入江雲
一一螺峰翠巖巖
紋壁立如人走馬笏

潮來似馬赴千軍絕無隣舍青尊酌也有人冢白袂裙
最是獨遊岑寂甚梵聲相答雨中聞

連日雨漲由惠州一日至廣州

三載軒車屈曰歸心旌已自駛如飛舟行近岸方知速
雨霽濃雲漸覺稀綠樹青山俱過眼蠻烟瘴霧尚沾衣
最憐一事輸蘇老三百離支與願違

在粵三載所至輒與荔枝相左

重九招主考中允王蔭臺

仲愚

吏部陳簡亭

大文

遊光孝寺命新解元順德張均房

鍾芳

新舉人東

莞劉翼如

輔元

庾粵峯

泰均

增成湛東塘

祖貴

咸

陪分韻得詩字四絕句

黃菊尚無信重陽應把卮
方秋不到天使例留詩

光孝榕陰滿文宗羽蓋遲
三年兩讀書惟欠貫休詩

唐貫休書羅漢二軸
真蹟于是日再觀

髮塔菩提葉鮫綃織作絲
不堪持贈客只可寫新詩
人是駕行舊天逢雁過時
今朝應爛醉金谷不因詩

輓兄寅工癸元

兩載埧簷頓永離十行老淚不勝垂
人稱醇士真無忝
天折貧儒亦太奇扶輓最憐分道日
同堂猶記讀書時
刮毛龜背種何有聊煥清囊寄兩兒

放猿井序

猿自高州攜來養之學署已三年矣遍體純黑
性極慧黠通臂善緣能半空轉不喜著地非茹
不食今任滿回京舟過峽山因繫詩於項以
之

嘯咏相從已二年野賓忽去轉淒然預知過嶺難尋荔
故遣攀巖任飲泉喜暖爲生南海地畏寒豈慣北風天
此山舊有歸猿洞逐伴追隨好聽禪

黎崱遇觀察李隨軒延場回任舟中話別

一江燈火使君船道是隨軒問果然淹雅昔原推陸瓊
簡刑今尚說桓宣

廣東中丞又川李公錄番禺葵魚龍
城巨盜百八十人君海多力爭

言身卷二
出窟聽詩句烏鵲移枝避別筵直到啟明星始去萬山
回首但雲烟

過英德縣

看盡山奇與水奇舟行那怪訴流遲灘聲似雨前頭響
巖影如雲撲面垂尚喜激無孫子礪不妨拜學米顛痴
英州處處堪留戀獨有南山未忍離

廬江夜泛

天水相連星斗明奇哉此景恰三更帆迴山背風無力
櫓剪江心月有聲浦際遙聞入喚渡城邊早見吏來迎
何方乞得徐熙筆畫我今宵再泛瀛

恭祝 萬壽一百韻

謹序

乾隆庚子八月 聖節廣東學政臣李調元恭進

洪維我 皇上紹統乘符循璣立象顯清輝

於斗極受靈筴於泰元尺五雲霄雀獻昭華之

琯大千世界龍呈宛委之書固已月晷含祥乾

維效氣塵清九服卧銅鼓於戎亭瑞卜三登耀

金船於靈沼茲屆上章之歲適逢 聖壽之期

香動萸階榮生桂闕黃輝煥彩捧來五色之雲

紫玉摘英鐫出長生之字合圖書者數千百所

敷文德者四十五年分衽席以同春盡綸裳而

稟朔而且七戎奏捷矢落天狼四庫搜奇字釐
帝虎鑿空萬里秋生苜蓿之風採錄百家香動
蒲萄之錦武功彪炳文治光華旣庶事之咸康
斯一人之有慶加以詳求民隱懋復時巡飛
芝蓋於南天啓紺轅於北闕平連齊魯河聲嶽
色之間時協雨風莒葉杏花之外幾程綠水箔
是琉璃一路青山圖開金碧然而 睿慮方殷
於澤國宸遊豈玩夫物華蠲白璧以沉河駐
翠華而望海蛟龍氣靜不馳竹箭之疏烏兔
尤清常見扶桑之樹無憂蟻孔金隄則虹亘一

條齊作魚鱗石鍵則雲連百里况乃 恩敷赤
縣膏被蒼生木鳳銜書芝泥九莖之露金雞放
敖草蘇三日之霖暢士氣於槐宮扇芳草於莘
野青旂蒞止不費酒漿曜髮來迎報之蜜麪揚
壽考作人之化道穆垂裳聽康衢順則之謠風
馴擊壤維 帝包元而履德維 天墜祉而發
祥是以波動榮光山傳靈響千官劍佩遙承吉
慶之花萬國衣冠共諧昇平之曲神符太乙合
東西南朔以清寧星燦長庚並日月岡陵而綿
固生 聖人有道之世仰企龍飛誦 天子萬

年之章願爲虎拜敬陳篇什用代賡歌其詞曰

海星添春早璇圖啟運長芸生思就日聖主正

當陽五色雲霞氣三千鵷鷺行應時調玉燭隨地固金

湯上瑞文呈赤長生錄衍蒼一人恭作肅萬歲壽

而康持敬恭無間乘乾體自強心傳綿舜禹治理契陶

唐日月鐫圭璧山龍補袞裳德輝昭黼座神藻挾天章

喜氣賡歌會雍容翰墨場庠懷通造化奎璧接文昌

緇帙輝金薤瑤篇陋栢梁精華搜四庫遺帙採殊方宿

火青藜杖春風芍藥香訂訛如掃葉去穢類排糠衛客

釐三豕將軍辨四羊校讐多士苑陶鑄自吾皇萬有

歸包孕諸家盡括囊奇書叅夏鼎善本聚春坊共仰斯
文盛遐思我武揚穴焚金嶺螳臂斷雪山螳每見三駟
獲寧容貳負藏王師皆虎視戰馬盡龍驤地闢千重
譯途盤九曲腸蠻雲寒首著劍氣掃撓槍雨洗礪樓淨
花吹茄寨香頻年勞廟算大凱脫戎裝敷德陳干羽
成功息斧戕有威相格被無國不梯航猶以東南重兼
之黎庶康練時諮太史建旄命司常佩璫何曾費耕漁
絕不妨五巡繩祖武千里達康莊齊魯同門戶江
湖入混茫嵐低浮翠葆岸迴泛沙棠虹影爲橋待龍身
夾艦翔吳頭還楚尾隋苑又錢塘峯是芙蓉掌泉真瑪

瑤漿玉壺水一片瓊宇水中央出豈緣游豫行彌肅紀
網帷宮閑桂栢林殿不珠璫尚儉師三古求瘼凜七襄
天顏瞻咫尺民隱厪巖廊時也方芸耜羣焉立井疆
田知無草宅物驗厥心臧綺野新肥麥芳塍漸揔秧幽
風兼草木農話只耕桑帝省恩無極宸遊樂未遑
江南波正綠河北浪全黃念昨桃花漲深籌竹健防自
從經翠蓋乍見發榮光祀典金繩肅靈颺玉節颺無
煩歌瓠子不復決宜房蘭采看神授松舟可葦航安茲
四瀆長視彼百川王凡水皆歸壑惟民切望洋海濱勞
鳳輦天策莫龍堂鞏固魚鱗勢平安佔客櫓利與斯

絕害德茂乃疑祥本是 皇仁普翻令 帝力忘好風
隨律轉遲日以時賜人在義皇世居皆廉讓鄉可云咸
得所猶且 視如傷頻減丁年賦重蠲甲戶糧雞竿衍
雨露犴戶靜銀鐺網直開三面膏先徧八荒牲醑酬
壽考棹楔慰釐婦起廢無鐫秩行庠有宿梁朱提頒內
府紅粟出神倉豐阜時堪驗文明象益彰華蒿原飼鹿
梧竹合棲鳳多士收南國羣才廣上庠天人追董子南
雅顯毛萇辛苦三條燭艱難兩鬢霜寸心垂老壯一第
特恩償浩蕩波同渥昭回日有芒厥聲威月竄至教
被河渚星斗聯冠冕江淮達筐篚塗山玉帛盛虞陞股

肱良鳳翥鸞鷟外爐烟扇影旁琴風能解愠
芳地瑞銀呈堯天文斗戴匡真形圖五嶽和響憂雙橫
路卽蓬萊島山稱靈壽岡升恒綿厥算金玉作其相寰
海昇平慶綸言典誥煌樓臺涵翡翠歌詠比鴛鴦
聲聽尚書履茵連御史牀傾心慕葵藿特達顯主璋書
獻千秋鏡春生百福觴臣羹和鼎鼐主誼洽笙簧
賜醴霞爲液分鮮肉截肪紅雲凝朵朵仙樂奏鏘鏘
天上聞簫管花間換羽商非才慚短綆賦手愧長楊每
以冰心矢頻叨玉尺量螭坳懷肅穆虎拜憶趨蹌午陸
宸旒煥寅階黼黻張光華占復旦瑞氣滿天闡

辛丑

早發通州至九松山寺和崔大司寇應增壁上韻
橋南小寺偶停蹤，嘯傲居然膝可容。
春以綠陰歸萬柳，天將青色染諸峯。
百年不老堦前石，萬里長思屋後松。
莫道遺民半非舊，癯僧雖老尚能筇。

觀音菴

在古北口外兩間房

關門初出客程兼，四月垂楊綠漸添。
瀑布雨餘穿石罅，邊牆雲裏走峰尖。
兩間房小何妨憩，一盞茶粗已覺甜。
農事正忙僧未返，佛龕拋却破楞嚴。

度紅石喇梁

口外呼嶺曰梁

厓屨一嶺亘虹霓回望南天疊嶂西日落行人千巖上
雲開立馬萬峰低薄裘不禁風聲刮村屋多疑雨色迷
記得去年梅嶺路依稀只少鷓鴣啼

黃土梁

翠巘迎人路百灣一重山矮一重山漫言春色堂堂去
開遍桃花四月間

西柳溝

水細不成河山遙漸作坡民居依樹密驛路傍溝多魯
酒甘如醴居民多山東人流寓吳棉薄似羅是日喜聞寒王化遠
到處有絃歌

題金氏第

松蘿一徑下遙岑
雲外幽居愜素心
瓦雀晴翻窓外影
壠牛閒卧樹中陰
麥因雪凍芽方茁
柳爲風搜葉未深
一碗茶甘留舌本
新詩寫就自長吟

自平泉赴建昌

原名塔子溝
新改爲縣

撲面狂風未禁當
廉纖小雨點平岡
山無向背隨人轉
路有高低仗馬強
樹聳鐘樓知寺近
桃開野店覺村香
不須抖擻衣塵盡
准擬歸時十斛量

平泉州

原名巴溝
新改爲州

細脉何年洩泉名冠一州
湧來雖釣哭瀉處總平流
不

井千村飲非田萬頃收昨宵風雨猛疑是老龍湫

雙廟店壁題通州糧船圖

誰將尺幅寫通州城郭樓船眼底收此日關心催運急
風沙千里尚巴溝

渡大凌河

問渡大凌河風聲滿樹柯天連沙磧遠水入亂山多苦
霧蒼蒼合流雲淅淅過不知遷土客鄉思竟如何

木頭城

萬鴉盤陣處搖指木頭城人雜牛羊氣山多虎豹聲家
家番字幟寺寺梵文旌莫謂邊風惡香醪異樣清

雨馭朝陽縣題釋照鉢山水畫

一幅青山綠水圖居然筆意近黃蘇不知絕頂松根寺
可有番僧得到無

丸房

寒上清和候寒冬十月同空山一夜雨老屋四邊風面
觀貂裘黑爐添獸炭紅更聞人較獵射虎出林中

馬厰大雪

大雪從風下邊荒四月天花開無葉樹徑糝未鋪氈
帳人何往霜驥馬可憐沉霾何處豁見睂出雲烟

波羅腦普惠寺

沙際波羅腦禪房一徑分僧眠半菴月馬渡一溪雲紅
藥何人贈清談未有羣南山將有雨先送礮車聞

九月初六日過燕郊題廣惠菴贈印千上人

小橋楊柳濃陰遮招題處處皆栽花偷得簿書閑半日
來喫山僧供佛茶花無別花花皆菊笑同司馬品名目

調同事

屈指重陽一瞬來豫當登高踏山麓山僧自言

七十歲去年潞水奔寺內重新賴有沈與高

天津觀象
通牧二公

不然幾爲魚鼈廢我本治河監司官聞言頓覺心難安

聖恩愈深責愈重但祝慈航求安瀾爾亦齋粥勤加餐

觀爾鶴髮與童顏

九日同坐糧

菊花香入酒中開
九日秋光已十分
橫野樹多濃似霧
隔河山遠淡於雲
漁歸野渡無燈火
雁落平沙有篆文
不是登臨賞佳節
漕船歸盡慰辛勤

十二月初五日大雪至長新店宿二首

并序

弟墨莊暨門生莫景瑞以詩來祝予四十八金剛經莫所寫也

馳騁人間翰墨林
飛騰四十八光陰
胸無硃礪眠俱穩
眼有雲烟帖尚臨
難治古稱三輔最
易衰今畏二毛侵
蘆簾獨對渾無事
袖手寒爐抱膝吟

金剛經疏
卷之二十一
九
舍弟能爲長夜飲莫生仍是昔年顛並衝銀海來相慶
代寫金剛亦自賢春氣偏生檀板上寒霜不到畫堂前
銅龍燒罷人何往又到蘆溝曉月邊

章山詩集卷二十三

綿州李調元雨村

壬寅

山海關登澄海樓望海

南海陬來北海陬水雲高處一登樓
眼明箕子曾封國身到夷齊共讓州
烟島迷離疑蜃市風波浩蕩斷漁舟
去年曾記雷瓊過五指真如釜底遊

悼妾馬氏四首

子役東南八載餘追隨何異輔車如
曾同私語百年老忽斷遺言一紙書
山海淒風來灑袂潞河烟樹阻回車

膏肓底事無人救家有參苓一擔儲

去年奔走度支差聞爾寧馨得小孩纔喜已疑胎未足
急歸先見淚頻指我腸雖斷時相慰汝少何難月入懷
悔是分離酸鼻處不將身後一言該

三日歸來八百程葢棺猶見面如生原知魂氣之難返
苦恨音容夢不明老淚那禁河似瀉深閨尚記岳爲盟
呱呱兒女雖分託索母纔聞又失聲

聞言不肯昇南村只願畿東作九原此處萍浮聊寄泊
從來葉落必歸根河東獅子雖聞吼隴上牛眠應返魂
王樹園中聊寢汝此間誰遣守瑩門

重過平谷萬壽寺

立馬田盤第一峯上方風送講筵鐘寺名萬壽停新輦
路入五河失舊蹤春柳帶烟堪繫馬古松經雪盡蟠龍
回思十五年前事惟有青山不改容

和祥觀察酒宿韻并序

觀察霸昌祥翁以舊作酒宿詩見示有送客船
停楓葉岸尋春人指杏花樓之句清雋可喜依
韻和之

誰家村店酒新篘尺布斜懸路遠眸情曳微風飄小巷
每經細雨挂高樓愁城得爾真能破詩癖逢君醉未瘳

最是銷魂人醉處隔山回望尚墻頭

五月十一日宿南口

在昌平州

年來筋力竟如何馬上迴還尚似梭萬慮洗心全滌泊
一生強項未消磨濃雲過雨成峯少驛路逢山亂石多
梵宇城凹禪榻在繡經又欲問維摩

居庸關

天塹初來第一衝鞭絲帽影出居庸太行西走青牛頂
大漠東來翠萬重雷起石稜車倒馬霜飛入甌淞愁龍
太平幸際同文日募壁垂巖看墨踪

八達嶺

晨出居庸關午踰八達嶺細
逕如長蛇穿壁漸若蚓怪
樹夾人行斷橋倩客引崖崩
虎橫道倒石馬避筍天低
山欲圍峽仄日似暝及茲出
重關夕陽仍在頂衆山如
夏雲幻出奇峯影戍卒睡昇
平婦子話間井客程無意
中得此豐年景

土木驛

誰遣天子雲端墮天寒足冷
沙塲卧尸橫百萬駕獨還
畢竟周公無處坐往日蒙塵
事可哀至今土木遺枯骸
圖像麒麟誰第一沙狐狸向
南朝回智化寺千載詈顯
忠祠萬古垂君不見昔年行
營窩兒帳尚有黃龍騰其上

過土木謁顯忠祠

閣豎能令天子走忠魂不共虜皇存徽欽比辱猶差勝
贏得生還賀奪門

新保安

先大夫曾爲宣化司馬分駐於此

父書手澤迄猶新城郭依然舊日春不識遺民今在否
青山認得老蘇洵

鷄鳴驛

未至鷄鳴驛已見鷄鳴山突起如張蓋窈窕盤雲鬟聞
昔唐太宗北伐踰塞垣中夜聞鷄鳴起舞興哀嘆又聞
古代姊磨笄於此間年深不可究廟貌徒存類我來想

登陟斜陽已莫攀前途沿黑石響水空潺湲

宣化買驢渾身全白名曰珍珠

不用韁鞍配天然白衛姿面宜諸葛字背載浩然詩雪
洗全身玉霜尖兩耳錐珍珠各不玷薏苡漫相疑

宿泥河鋪伏魔宮夜雨

雲霧溟濛撥不開伏魔宮內水成災更無地主眠方熟
風打簾聲又醒來

宣化府登威遠樓

雲州自古帝王家遊幸年年望翠華避暑有宮當雁塞
長春無殿接龍沙明妃塚上連天草蕭后園中滿地花

若問俠邪威武事，豹房寂寞咽悲笳。

冰山行 并序

六月二十五日夜，閤山東于易簡邸報苦暑不寐，呼僮起索茶沃渴。馮子亦未寢，相與對冰盆。夜話馮言：安得以冰爲山樓閣簾櫳？皆冰爲之。坐卧其間，乎此語痴絕。然聞之，便覺涼氣拂拂，侵入兩腋，頗解頤也。馮子磨墨請詩，便作數韻而胸中兀兀欲作遂興盡而止。以語似樂府，故

曰冰山行

星斗滿戶天無風，大暑酷吏真相同。夜闌不寐起呼僮。

七碗之茶驚周公忽聞兒女聲
嚶嚶安得以冰爲山爲樓爲閣
爲簾櫳四面玻璃掩映皆玲瓏
仙子風鬟霧鬢霜雪容坐卧其
間酌沆瀣飲瓊漿傾碧甯恍若
置之迎風含露玉壺中不知何
處爲祝融我聞此語忽高歌水
山見日兮將奈何

遊偏橋灣觀荷

一片濃陰不似秋出城數步卽滄洲
殘荷更比新荷好蘆葉還如竹葉稠
亦有高橋能過馬若非防汛敢停舟
歌聲唱出蓮珠轉驚起雙飛水上鷗

通惠河紀遊和編修祝芷塘

德麟

侍講王春甫

修見寄原韻

監司職雖外去京未云遠同朝舊鴛鴦相隔城蜿蜒
約君勿疑五閤我所憊長鬚報登程水手候啟堰一
路葦風披兩行柳波偃泛水小鳧輕凌空秋隼健仙侶盡
同舟况有百丈輓如何王子猷興盡遽言返

人事日杲杲河水日悠悠不因出東門何以知深秋我
友視芷塘美人空谷幽扁舟一落手浩蕩寫新愁高歌
凌滄波磊落真吾儔鐘聲撞落日塔影明城樓相望壺
蘆頭一笑蒲帆收見如此客不爛熳談糟邱

潞水天下源頗具東南美綠樹映紅橋漕船百餘里何

意石壩邊得我故人艤衙榻雖繩樞縈維亦堪止
者何人騎馬知章似幸不并底眠撫掌見喜尊前共
相笑若我輩有幾莫嫌酒味薄齋本名如水余有齋額曰心如
既來惜匆匆既去猶耿耿送君返河橋立盡斜陽影
朝人語傳未越慶豐境津吏前致詞聊借一宿醒
荒雞不成寐殘燈對酌劇憐三條冰余弟檢元聚此一宿冷
急行無善步古人言最永得魚常忘筌豈不見答答
紛逐馳人海喧闐失天籟欲言發清興必在郊之外
但願不時來一豁雙眸大田盤山若環通惠河爲帶
地濕雨濛濛天高雲靄靄波平悅鷗心野濶露鴉背
况趁秋日

佳慎勿失後會如續泛舟閒煩添我入畫

附原作

編修祖德麟芷塘

尋山不知疲尋水不知遠邈哉通惠河傍郭何蜿蜒
貫珠外層遞曳練內束澗樹色弄漣漪濤聲歛防堰
渡頭喚烏榜一牖一渥堰水容連野寬山谷帶秋健
昔年費開鑿本以利漕輓却使濯纓人沿流便忘返
漢陂樂未極剡溪興更悠故人官通潞畫戟森高秋
衙齋似禪房花竹深且幽開軒坐一榻已足減客愁
酒食豈云德肝膽誰與儔憐我眼界窄携我上高樓

大光樓爲通州最高處

樹齊山玉簪豁達勝槩收潞水滔滔下

因之思故邱

懷歸願徒違薄遊亦云美情深重小別送客若千里
扁舟載芳酒欲向葦間簾暮色蒼然來夕陽不可止
寒驢挽絆牽乘船而車似兼豈相與引鷗鷺近人喜
外吏意氣驕似君能有幾何處桃花潭八里橋邊水
橋邊水潺潺林外星耿耿徘徊慶豐間參差覓燈影
瀧吏不我訴倒屣孤寂境况聞鄉語軟如夢適初醒
開更曹緩海鹽人爲具雞黍村醪雖云薄開懷共酩酊相邀秉燭
遊荒荒夜氣冷星光不帶水天色浩與永微聞柳岸
邊網戶糾答箸

滄洲思吾道茅屋歇衆籟急溜無停喧餘響不在外
恍疑棧閣中到枕灘聲大鳴雞喚客夢未曉先束帶
楊舲倏歸途一葉破烟靄晴暹射雉角微霜糝蓬背
欣然兩目問旦暮景畢會欲扳王子猷謂春甫添人
舊時畫王辰癸巳之間曾作秋汎圖紀遊

附和作

侍讀學士王懿修春甫

仙班忝後塵儼居頗不遠著書日千言浩氣何蜿蜒
恣將汗漫遊不受重城鍵東邊通惠河新水漲坵塢
烟寒楊柳疎風急荻蘆堰一官得閒遊飽食秋彌健
雲檣各鱗次玉粒分輸輓沿洄指潞河乃自中流返

一騎馬似乘船此語誠謬悠迎風控紫燕雙翻凌高秋
伊人水一方花遲彌清幽開筵引大白澆盡離別愁
數歷自中外冰署皆別儔春風乍按部清德猶名樓
通潞古名勝輸與錦囊收含情爲賦別斜日銜山邱
龍眠傳三李華萼真具美少者見頭角名駒自千里
清談坐忘機暮壑偏舟艤側聞瀟吏賢造門自投止
解舍只三楹愛與吾廬似休歌行路難翻覺得朋喜
雙屐固悠然人生當著幾蒼茫宦海中踪跡如萍水
秋月白溶溶秋河尚耿耿平明眼界寬金碧觚稜影
渡頭一葉舟歸近空明境水鏡在乍開沙鷗夢初醒

白蘋風襲人。卯飲快臨酹。舊遊曾幾時。生涯頗耐冷。
霧縠與霜花。水光曉逾永。早有美魚人。船頭理笊箸。
投我瓊瑤辭。風雨鳴天籟。讀罷更披圖。置身人境外。
芥子納須彌。尺幅乾坤大。仙人快乘槎。環繞青羅帶。
惠我作卧遊。豁達入清瀉。秋水蹙魚鱗。神仙負鰲背。
圖成已十年。茲遊結嘉會。濡筆欲長吟。聊作有聲畫。
七月既望。編修祝芷塘德麟中允王詒堂燕緒侍
講曹習菴仁虎學士邵香濤庚曾宮詹劉青垣耀
雲泛舟偏橋灣。遂至鴻雪堂。讌集歸途芷塘及習
菴。登前韻見寄芷塘並索盆桂次韻答之兼寄諸

君南酒數種

去年君來遊風流事未遠歲月真如蛇不覺去蛇蛇今
又排闥來匪我門不榘沿河雖有閘直達似無堰遂令
斗室中共此一榻偃君疲欲小休我神王正健天明去
何速又費百夫輓惆悵普濟邊至今悔合返

我如江上漁日見水悠悠君亦如賓鴻其來必以秋非
爲稻梁謀兼愛雲水幽渾如過瀟湘烟波生暮愁同來
二三子灑落皆賢儔十年各南北何期聚一樓人語如
宵蟲日出聲始收客去杯杓在狼籍成山邱

我友性耽吟佳句驚子美聯翩疊舊韻寄來五十里詩

思下水船灘急不可艤方流或遇玉洄流行復止及起
大波瀾江淮河漢似簷下展鯨緘讀罷須眉喜同年三
十六此才能有幾投我以瓊瑤報之以杯水

今年桂花稀幾點晨星耿覓之大航頭不見月中影竊
疑未有禁何竟不入境君胡索太急驚散一杯醒申申
其言予來詩破酩酊不惜踏鐵鞋聊寄一株冷鷺嶺天
香遙莫遣歸思永他年西湖畔好約帶箬簑

好客非沽名我亦厭羣賴時借倒屣迎薄游城以外山
色水光中地隔天亦大寮竄半栽冠仙侶畢解帶絲竹
弄清音長杯吞暮靄水破一篙碧風翻荷葉背但願同

心人年年爲此會君如見我詩定許詩中畫

附原作

編修 祝德麟 芷唐

通州衣帶水熟經未云遠曠望城東隅雉堞青龍蜿
凌晨飭徒旅門闕遙啟鍵故人已遣迎長鬚候堤堰
瓜皮艇子小亦足容坐偃訪舊懷孤紆探勝興雙健
晶晶川塗平歷歷百丈輓方當鼓枻歌那計及門返
菰蒲理鷗夢自足景趣悠鏡水湛虛明豁然開素秋
每當一肺盡但覺泉聲幽彼岸佇烏篷初無淫滯愁
滄洲旣協趣裙屐兼嘯儔何殊越中行晚飯靠松樓
舉頭天外影孤塔斜陽收卽此自可樂豈必尋蓬邱

夙聞偏橋灣繞郭芙蓉美秋波照愁紅離披尚十里
主人載管弦星去聲客橋邊艤撐舟度雲錦曲折行復
止納涼丈人溝此境或相似何處新鶯聲囀弄自可
喜人生貴行樂知心況有幾不見茵苔花飄紅逐流
水

官齋排綺筵下馬星光耿華鐙爛銀燭照出驚紅影
笙歌喧兩部認是迷離境却有愛花人品花眠獨醒
小戶配巨觥豈爲貪醕酎夜來倘有香取韻在閑冷
遂使扶頭花獨願涼宵永越客費千絲得之以答著
爲歡無停機罷宴有餘籟逢場聊遣興放浪形骸外

不受羈勒率乃識乾坤大告歸非薄遠萍絮忌霜帶
小別唱渭城一聲破晴靄回望壺蘆頭地名卽長揖
鯉魚背送客欸欸誠丁寧申後會丹青可傳神此情
孰能畫

附原作

侍講曹仁虎習菴

出郭卽滄洲興與烟波遠玉河天上來一道巨蜿蜒
斗門凡幾折泉源利束槌牖口喚烏蓬沿洲逐堤堰
陰陰柳帶垂靡靡葭華偃遊情乘暇濃倦骨遇秋健
往來運租船那許勞緯輓吾曹儼仙舟擊汰欲忘返
濠濮不在遠魚鳥趣自悠白露下亭臯浩然雲物秋

那知輓紅土中有桃源幽臨風溯陳迹俛仰生客愁

十年復一到留得題襟儔

癸巳歲曾偕李適園宗丞

香渚給諫泛舟二閘即奉人經物故適園謝公愛東

山庾亮登南樓及時且行樂逝水不可收逍遙脫巾

坐相約尋糟邱

晚荷弄秋妍姹然見衆美迤邐偏橋灣遶郭香十里

主賓初握手偏舟且暫艤諧談雜管弦歡笑不知止

朱顏易過時難得花長似好風翠蓋來新涼差可喜

清歌方間作此景能有幾一櫂出花叢蒼茫亂煙水

蘭堂布瑤瑜四座明燈耿檀槽撥新聲翩翩舞袖影

爲歡夜厭厭疑入華胥境殷勤
捧卮人相對肯獨醒
發花未忍折嗒然已酩酊
遑問秋江邊芙蓉怨孤冷
解佩情漫通乘槎路方永
明日泝波歸三星照答箸
酒闌罷笙歌燕寢靜羣籟剪
燈縱雄談抗心塵垢外
攬袪不成眠起視曉星大
告歸申後期一水達衣帶
送客仍方舟離唱徹秋霸渡
頭乍言別斜陽在鴉背
眷茲鼓枻遊復此飛觴會
瑤篇枉見貽指點詩中畫
中秋後一日催漕至武清之
楊村舟中接視芷塘
卷八 曹習菴 七虎 冉堯
編橋灣紀遊詩見寄復和
韻答之並寄程魚門 青芳
兼索其爽約詩

言笑唐棣詩未思室何遠地近尺素通不費秋胡蝶余
季解投轄防客如防捷二閨願近結欲回已過堰一笑
舉千觴或燕或息偃越酒正盈船百斛扛夫健沽來如
掛壁葦送那辭輓笑謂青瑣人真學受餐返

我來雍奴邊河鯉何悠悠剖之得雙緘封來月中秋上
言謝桂花中有小山幽下言謝美酒能消萬古愁中言
苦相憶同舟誰爲儔不知正挽輪日倚漕船樓天明催
百鷁夕照帆始收何事兩夫子詩筒積成邱

曹子老詩伯集賢官又美文光萬丈長未可計道里我
詩譬淺瀆僅容小舫艤乃云吞雲夢譽言請亟止讀書

兼讀律駕馬馳驟似見君疊遊詩技癢輒復喜究之并

中蟻所見能有幾不觀舟字誤管水只知水余和芷塘詩次章甫

字誤押舟字余因不知芷塘亦忘之也今習菴來詩有小誤亦後佳正坐君才大之句故仍用幽字韻補答之

品花不在貌令人心終耿滿園紅紫爛獨愛牽牛影既

邀周郎顧胡爲便出境至今望重來淚滴睡袖醒何時

再鴻雪淺斟話酩酊蕭郎非路人熱極翻似冷芷塘來詩頗怪

玉堂失約故代答之黃花有興無登高趣更永肯語羨魚人細不

如答簪

同年祝芷塘僻性喜清籟家世本華簪結念名山外身

瘦不勝衣著述比身大有似康成廬草亦名書帶集中

寄我詩一一雲烟霽相思便相見不煩跨鶴背甚欲源
源來肯作牛女會習菴人一年許一會之句煩君問程髯
可有詩如畫

附原作

編修祝德麟正

知交宿昔心初不隔近遠何況綰轂州一水通蜿蜒
我昨來訪君目無三版健勞君遠迎送執手第五堰
入境聞政聲仁風已草偃今晨辱和章天骨爭秋健
良辰與高會一失孰能輓唯當煩候人詩筒互往返
百川赴東海歲月真悠悠惟我與夫子相隨二十秋
長篇更短韻唱和窮險幽踏雪叩荒扉一笑失百愁

中間罹憂患蓬梗飄難儔接葉何處亭看雲何處樓

接葉亭子十年前所居若官選郎日署其樓日看雲至今數陳跡淚落不可收

升沉安足道幾輩埋壘邱當時同遊者如李檢討鮮王明府國梁皆久經物故

蕭郎玉亭給諫嘶白馬官興頗云美一白督運行春明若

千里昨朝聞客來各已歸舟艤牽衣苦挽留客去不

可止殷勤申後約款素與君似俯仰塵土中間招那

不喜煩君相問訊秋光更餘幾莫令葭荻花離披倒

煙水玉亭約於中秋前以邀前未果故及之

清景善變滅眷言心耿耿千行岸上柳曾照杯中影

我詩欲追摹難寫澄鮮境君才似崔侯詞豪義易醒

呼醪再三酌引讀破
醅酌文章吾輩事自嘆生涯冷
疑君在翰林不謂官
通永獨惜潺江邊在綿州若幾
年孤筇箸

涼生庭樹枝衣裳透
爽籟此時故山中天香滿雲外
頗聞運租船割得渾
蟪大移植斗盆間鄉園風露帶
著花雖不多一時散
幽竊欲同忘憂草言樹襟與背
急則利用要調辭君
善會乞栽本村公此例偶描畫
昨馳書索桂詞旨激切來詩意近於
愠而桂樹著花甚稀故解之如此

附原作

侍講
曹仁虎習菴

同心悵離居翹首勞
望遠結願比雲龍上下逐蛺蝶

吾友官近郊川陸此關
槌油油禾覆塍森森漲平堰
牖門飛瀑懸橋背卧虹
偃閑情比野鶴雙翮凌秋健
初呼短艇浮暫謝輕車
輓溯洄水中央乘興不知返
仕宦隨南北我思自悠悠
流光付彈指鷓鴣移春秋
軒車有交誼豈必山林
幽茲來謀把臂一鶴離羣愁
同行多舊雨瀟灑非常儔
荷香抱近郭樹影藏層樓
卽此暢遠目勝概當前收
相逢盡仙侶底事尋浮邱
會合亦有時難得兼四美
官身辭沐閑幸免阻道里
飄然不繫舟乘風來暫牖
高談驚四筵弦管聲乍止
唱酬元白偕名飲阮嵇似
開襟據胡牀疎放差可喜

同年比琴星零落復餘幾
又手夜悄悄滴盡翎壺水
來乘遊興濃去帶別情耿
中流各分袂目送回舟影
城闌一水通過從未越境
薄暮倒載歸三日醒始醒
浪鬚致瓶罍開酌復酹酹
雨村於三日後惜不偕故
人對飲吟憲冷雲霞梨自
深文字交方永何時逐烟
波浩歌扣笳箸

燕寢香未銷吟成發天籟
想當落筆時氣吞雲夢外

小誤亦復佳正坐君才大

次章幽字韻

瑞箋手自

書投贈此縞帶尚飲求友
思殷殷達暮鵲本非牛女
逢差免參商背却笑寄詩
人一年許一會

來詩有但願同心人

年年爲此臨風聊寄聲情事倘如畫

附原作

編修程晉芳魚門

通路誠近游而我尙虞遠知當伏秋交困卧類蟲蛇
債家日敲門門戶不遑鍵有夢到江南千荷照單堰
故書聊慰眼習禮第師偃余方治二禮敢謝芒屨輕未恃
竹杖健聞有放船人綠纜柳邊輓快哉一日嬉各各
扶醉返

戟門臨水鄉鴉鳴水悠悠朝官曳帟屐訪予如訪秋
丁丁伐老木宛在山之幽迭奏席間伎初無眉際愁
酒酣耳輪熱會且懷匹儔謂少雪鬚翁同凭霞外樓

好景獻當前眼福勝者收余聞亦爽然積悔成高邱
芷塘詩老蒼人則秀而美聲名冠南州潤色擬東里
廿載滯詞林舟不泛而艤同調皆散仙閒園呼止止
七夕爲近期六逸良有似汀草砌前花紛然含色喜
人生行樂耳達者今見幾狂笑俯清池魚驚出深水
春及不見梅我心恒耿耿及至秋月圓中庭桂無影
乃知索桂人胸次罕塵境簪花有同樂殢酒非獨醒
似我日煎茶豈復成酩酊西風打面來墜露若冰冷
連蜷念小山猿鶴與俱永何當片紙歸香處挂笻簪
泛覽唱和詩清絕奏竽籟境隨烟雨變味出酸鹹外

惟其擇之精是以爲之大近聞催漕船自詣河一帶
黃葉打秋帆疎襟上涼靄徐聽鳬鶩聲拍拍起船背
應有詩思來浩若雲波會風便時寄余懸之當讀黃

渡潮河

潮沙白如雪離離立雙鷺時有羽獵人韞鷹過橋去

河西驛在運河北有傳舍數椽頗堪栖息因題數

韻示武清趙明府

大經

天下勞勞處來過此地偏驛忙千馬過漕急萬帆懸衣
染津門雨簷橫鄚縣煙安瀾人共慶却喜又今年

程魚門以詩乞余所編全五代詩依韻奉答兼索

異書

五代本無詩多附唐末朝亦或入宋初九牛纔一毛譬
如採蘭菊彌望皆烟苔况復蒿與艾其品益不高我生
好吟咏嗜古如甘醪自漢魏以還鈔校不憚勞唐宋各
全集彙疏頗有條中間五十年缺畧匪一朝思欲勸補
綴日夜筆自描叢書獲隻字喜若逢瓊瑤祇取備文獻
不在格卑超手錄垂三年幾脫十甕毫鷄窓耿燈火牙
籤風雨飄遺文遭斷簡聚訟空相警君昔在中秘寄贈
亦屢切編成付裝璜百軸錦鸞翹再索亦不吝詩逋漸
隔宵倘更異書借聊當磚先拋

附原作

編修程晉芳魚門

五代誠草草遠不逮六朝禮樂征伐事若火之燎毛
文筆則唐餘翫翠棲蘭茗詩格如韓韋晚出乃益高
其他旁側見清味爭醇醪子誠有心人采掇弗憚勞
全體若單詞理之俾有條考核必精詣注釋連昏朝
裒然四大裘錦錯珠光搖昨者舉贈我寶之敵瓊瑤
一月讀未盡六時神已超有客來借觀謂不損髮毫
劍既入水去畫亦隨風飄久假不知歸徒以言髣髴
弗憚無厭請重冀嘉惠叨子其再贈諸我已雙足翹
置之秘笈中玩向寒燈宵除是鬼神奪此外奚容拋

和程魚門索余所刻函海風韻

我雖生於蜀吳越長在懷十八便游浙書籍得恣窺攤
錢向市購書賈憐我癡凡我之所欲任意攜歸寫我
父憫其癖廣延友與師端誦同隊中不顧執袴叩頭蜀
捷文戰花樣實南來我父嘗謂人宦囊在此孩以此
通籍後萬卷左右堆兼之好抄校志欲百家該譬如匠
氏門長短各取材編著事裁尺兼呈鈔與親積今所儲
畜多于魚子胎敢曰皆飽腹差勝俗士懷君書無不讀
名久冠江淮古人多遭文幽光當未埋尚與啟箱滕盤
贈家藏碑博學如髯翁豈猶有未知何以仍不足搜古

乃我儕書經秦火後灝瀚益無涯天地之大也豈能盡
願諸充子嗜書性貪殘不讓豺而乃妙於乞來語吐琪
瑰行將盡付君覆瓿物亦偕網羅遍名山所闕吾川西
新都夙所嗜餘書雕始開書成曰函海其卷尚未排明
窓安大几已貯龍麝煤若問註疏事此事唯君推

附原作

編修 程晉芳 魚門

我生未彌月抱在母氏懷壁間懸大字瞪目如衆窺
吾母謂此子長定爲書癡六歲上學堂戀戀於書齋
日晡放學時長揖請於師願以燭繼續讀師乃大笑咤
汝幼未得爾姑待稍長來戚姻傳怪事有此酸嬰孩

洎旣冠成人圖史左右堆好之恒不足博取旁蒐該
所恨資性鈍臃腫樗櫟材散錢失貫穿鞵線難縫規
然其好書籍鯨子求珠胎有則必求觀無亦久繫懷
自甲午秋水故册淪於淮凡十六紗縠痛絕泥沙埋
隨身插架者缺鼎斷碣碑聞予近刊刻皆世所未知
高過七尺身奇與二酉儕行將以書貧而未有止涯
曷不舉以贈毋使願不諧以食喂飽鷹不若投餓豺
老至擴未門所錫皆琦瑰子聞定戰然瘳乃與已偕
驢車馱數重來問米市西我且再拜受頓覺雙眼開
書面素箋識書口楷字排几端古香氣指上新墨煤

佐撰著惟子之功推

夏店戲幕客孫生

不遑安處又行縣夜如何其此解鞍蒨屋偏多炙背樂
檐帷難蔽晚風寒春燈一點或兩點積潦千灘與萬灘
何似孫生太智慧胸中別有熱成團

望盤山同岳生作

今年三月奉 鑿時踏遍盤山未有詩坡上清塵掃松
子澗邊駐馬整花枝巖磨 御筆詞難贊壁刻王生句
亦奇壁上刻明王衡盤山詩有泉爭亂壑全紫馬谷響虛岩半是松之句今日却因山下
過岳生勸我補題之

十二月初六日由通州至固安

曉馬駒橋夕固安官齋新飽故人餐孤城寂寞民居少
畫戟森嚴客到難春憶橋邊同聽水秋當河上話安瀾
風波看慣尋常事報國唯憑一寸丹

除久獄中寄墨莊

用東坡寄子由韻一首

雷霆天怒未回春原是皇恩再造身愧悔三更雙
涕淚伶仃四海一孤人已成舊事何須說見換新符益
愴神萬物向陽余向壁參禪靜夜悟前因

臬中香燭冷淒淒默禱神祇首自低萬里號大憐隻雁
一生微命笑醯鷄君恩未報遺諸子母老難歸託病

妻連理來生如再結同根總在左綿西

除夕寄唐堯春

更無鴈到潞河濱消息傳來總未真頃刻風波山我孽
一家兒女賴君親天回陽氣年逢卯地入霜臺日受辛
縱有椒盤鄉味薦目前誰是可言人

先生於我似蘇黃必折由來忌太剛作賦只今數孫綽
上書自昔笑鄒陽直由天性難更改清畏人知易中傷
萬卷圖書煩檢取童山深處付兒藏